

Radionica na temu “IT sigurnost i oporavak od šteta te podrška razvoju tehničke dokumentacije za Registar cijena”

30.06.2015 08:59



U skladu s planiranim aktivnostima CILAP projekta, u periodu od 22 – 26. juna 2015. godine, u hotelu San u Laktašima održana je radionica s članovima radnih grupa komponente vezane za procjenu nekretnina i komponente vezane za razvoj IKT-a.

Radionicu je vodio g. Tobias Lundberg, stručnjak ispred Lantmäterieta, koji je, pored uvodnog dijela, na praktičan način kroz tehničku dokumentaciju koju izrađuju radne grupe predstavio primjere IT sigurnosti i zaštite podataka. Stručnjak ispred Lantmäterieta je s učesnicima izvršio pregled dokumenta tehničke specifikacije te dao svoje prijedloge i primjere koji se koriste u Švedskoj geodetskoj upravi. Na radionici

su obrađena i specifična pitanja razvoja sistema Registra cijena kao što su objekti sistema, atributi aplikacije, načini prikupljanja i održavanja podataka. Urađen je konačni prijedlog modela podataka i drugi detalji koji moraju biti sadržani u tehničkoj dokumentaciji za razvoj Registra cijena nekretnina.

U sklopu radionice radne grupe su intenzivno radile na izradi finalne verzije tehničke dokumentacije Registra cijena. Razvrstavali su se funkcionalni i nefunkcionalni zahtjevi i donosile odluke koji su od njih najznačajniji za Registar cijena, odnosno obavezni kako bi se u tenderskoj proceduri uzeli u obzir oni ponuđači koji ispunjavaju te zahtjeve.

Posljednji dan radionice g. Lundberg je dao također nekoliko smjernica pri pripremi tenderske dokumentacije kako bi čitav dosadašnji trud završio jednom kompletnom dokumentacijom.